



## Universitätsbibliothek Paderborn

**R. P. D. Henr. Harphii Theologi Eruditiss. Ordinis  
Minorvm, Ac Rervm Divinarvm Contemplatoris eximij.  
Theologiæ Mysticæ Libri Tres**

**Henricus <Herpius>**

**Coloniæ, 1611**

De triplici dolore in Christo, scilicet in sensu exteriori, in appetitu sensitivo  
interiori, & in ratione tam inferiori, quàm superiori. Cap. XXVII.

**urn:nbn:de:hbz:466:1-37362**

vellet illud, quod Deus ordinavit eam velle. Vnde Christus obtulit conformitatem subiectionis, ostendens, se velle diuina voluntati subesse, subdens: *Sed sicut tu.* Similiter appetitus sensitivus in Christo non discordabat à voluntate liberativa rationis in aliquo, quamvis non appeteret id, quod voluntas liberativa volebat, sed pœnam & mortem corporis refugiebat, quam illa volebat; quia quod refugiebat, ad Imperium voluntatis liberativa refugiebat, & contrarium appetebat, quia per hoc in Christo maior pressura dolorum, & angustiarum resurgebat, neccamen per talem motum contrarium voluntatis rationis naturalis, & appetitus sensitivus retardabatur in aliquo, vel impeditabatur appetitus liberativa voluntatis. Hinc in Christo (secundum Bonaventuram super 3. lib. Sententiarum) dolor & tristitia non solum ad partem inferiorem rationis peruererunt, sed usque ad portionem superiorum se extenderunt: ita quod tota illa anima benedicta patetur cum corpore, ut sic tota peccatrix anima curaretur, quamvis etiam in anima Christi secundum supremam partem rationis fuerat gaudium fruitionis. Et hoc teneatur tanquam verum, quamvis difficile sit ad intelligendum, qualiter in anima Christi secundum eandem potentiam, & eundem statum potest fieri immensus dolor, & immensus gaudium, nec dolor superueniens discontinuauerit gaudium, nec econtrario, ut videbitur infra.

*De triplice dolore in Christo, scilicet in sensu exteriori, in appetitu sensitivo interiori, & in ratione tam inferiori, quam superiori. Cap. XXVII.*

*Ixi: Ascendam in palmam, & apprehendam fructus eius.* De dolore Christi, quem habuit in passione sua, prosequendo, *Sciendum* (quod secundum Richardum super 3. lib. Sententiarum) in Christo fuit triplex dolor, & quilibet eorum, licet non fuit maximus simpliciter, sed quod dolor damnatorum sit maior, (ut etiam sentiunt Thomas & Bonaventura, & alii) fuit tamē maximus inter omnes dolores huius vita, & omnes hi dolores unam causam priuatiam maioris intensionis habebant, quia vires inferiores à superiori portione non recipiebant aliquam mitigationem, quæ multum in alijs Sanctis alleuiabat dolores virium inferiorum, quod est diuina dispensatione factum. Nam quia Christus venerat ad curandum dolores nostros, dolorem intentissimum assumere voluit, ut verifi-

verificaretur illud propheticū: *Verè dolores nostros ipse portauit.* Cūm Isaia 53.  
 enim secundūm Hubertinum, in ceteris electis Dei, propter amorem  
 diuinum desertantibus, influxus diuinī dulcoris ferē totam suppor-  
 taurit, & temperauit illati doloris vehementiam, solus ipse Iesu, quan-  
 tum ad hoc, prater ceteros in passionib⁹ est derelictus, vt tan⁹ im-  
 mense pateretur sine aliquo refugio, quantum illa natura paſibilis  
 pati poterat. Et hunc sensum tangit Gloisa super librum Leuiticum,  
Leuit. 16.  
 loquens de hirco emissario: Tempore, inquit, passionis Christi, diui-  
 nitas in cælum abiisse dicitur, non quidem locū mutans, sed virtutem  
 cohicens, vt possent impij consummare passionem. Et hec pena de-  
 relictionis fuit ei grauior omnibus alijs pœnis, quinimō sine hac nul-  
 la fuisset ei pœna. Quæ profecto derelictio sumpsit initium, vt rationa-  
 biliter creditur, cum præ angustia spiritus sudorem emisit sanguineū,  
Lucas 22.  
 in egressu anima eius superbenedic̄ta terminanda. Et hoc ostendit,  
 cūm dixit: *Deus meus, Deus mens, ut quid me dereliquisti?* Quod ver-  
 bum secundūm Hubertinum, excelsuum prætendit amorē, quia cūm  
 eadem sit derelictio & expostio Patris & Filij, non videtur aliud di-  
 cere Patri: *Ut quid dereliquisti me?* quām respectu reciproco super a-  
 morem cōuerti, & admirari, ac alijs admirabilem proclaimare stupen-  
 dam sui expositionem ad tam horribile genus mortis pro ſic impijs  
 & ingratib⁹, cuius nulla ratio potest assignari, quām ſua inestimabilis  
 charitatis incomprehensa mensura. Primus igitur dolor Christi ſuit Christi pri-  
 in ſensu exteriori, qui maximus fuit in genere ſuo, tum propter vehe-  
 mentissimum ſenſum laſionis corporis. (Nam propter magnā æqua-  
 litatem & nobilitatē complexionis, ſenſus tactus fuit in eo viuaciflui-  
 mus. Vnde ſicut nullus potest ei aquari, nec in æqualitate complexio-  
 nis, nec in viuacitate ſenſus, ſed illius dolor ſenſibilis tam exterior q̄  
 interior fuit omnium dolorum acutissimus.) Tum etiam, quia pati-  
 ebatur in membris maximè ſenſibilibus, ſcilicet in manib⁹ & pedib⁹,  
 ubi eſt magna neruorum abundantia, in quibus maximè vigeſt ſenſus  
 tactus. Mors enim in cruce confixi iudicatur acerbissima, quia talis  
 configitur in locis maximè neruosis, & ſenſibilibus, & pondus cor-  
 poris pendens auger continuè vim doloris, quāuis illud genus mor-  
 tem protrahat pendens. Tum denique, propter vniuersalitatem do-  
 loris, quia paſſus fuit per totum corpus, vt aplanta pedis uigil ad verti-  
 cem capitis non eſſet in eo ſanitas; quod tandem erat in cruce ſic exten-  
 ſum, quod dinumerari poterant omnia offe eius: qui dolor continua-  
Isaia 53.  
Pſal. 22.

L batur

82 batur per suspendiū in crucetribus horis, vt copiosa fieret redemptio,  
& sua charitatis perfectissima exhibitio. Cuius etiam doloris magni,

**I. Lucae 22.** tudinem ex hoc colligere possumus, quia Christus ex sola memoria  
iam imminentis passionis, præ cordis angustia, sudorem emisit san-

**Matt. 26.** guineum. Vix enim credibile foret alicui viventi, quales angustias  
natura delicata mortem horrendo persensit, cum tam crudelia supplicia  
sibi iam imminere cognouit. In cuius argumentum dixit: *Tristis*

**II.** *est anima mea usque ad mortem:* quia tristitia illa tantum erat intensa,  
**Dolor sen-** quantuī esse poterat citra mortē. Vbi nunc es, ô fidelis spōsa, jam ima-

**su. interi-** gine Dei tui nobiliter insignita? Velis, obsecro, Christo Iesu pro tua sa-

**oris.** lute suppliciter oranti, sudanti, gementi, lachrymanti, & agonizanti,  
**Lucae 23.** fideliter assistere. Noli dormire illi, qui non dormiuit tibi, sed in cor-

de tuo collige guttulas sanguinis sui, quas pro te sudando copiosè fu-  
dit in refram. Secundus vero dolor fuit in appetitu sensitivo interio-

**ri,** qui speciali nomine tristitia dici debet, qui fuit etiā in eo maximus  
in genere suo: quia nimis apprehendebat se mori pro inimicis, &  
ingratis etiā crucifixoribus, qui passionē illam sibi iniuriosissimē in-

ferebant. Plus enim tristatur homo de passione sibi iniuste & iniurio-

**se illata, quā de iuste & quasi cōpasiū illata;** imò ipsa anima secun-

**Cōmpassiō** dūm omnes potētias eius & vires inferiores patiebatur, eò quod in sin-

**maior paf-** gulis animæ virib⁹ inferioribus, quæ circa temporalia operātur, aliquid  
fīone.

**Iean. 2.** inueniebat, quod erat causa doloris Christi. Hic tamen sciendum,

quod in Christo fuit verus dolor passionis & cōpassionis, & vterq; do-

lor fuit intensissimus, quia multū in se doluit, & multū in nobis con-

doluit, & vterq; dolor fuit in sensualitate, & ratione, sed ordine per-

mutato. Nam dolor passionis, & carnis prius attingebat animā secun-

dūm sensualitatē, & deinde secundūm alias vires. Dolor vero compa-

sionis primō fuit in ratione, & ex ratione redundabat in sensualitate.  
Nam sicut ratione nostra dolente pro peccatis, gemit & lachrymatur

sensualitas: sic & Christus, quia multum pro peccatis doluit etiam de-

peccatis nostris fleuit. Veruntamē dolor compassionis in Christo fuit  
multū intensior, quā dolor passionis: quia licet in eo magna fuerit

causa dolēdi in sensualitate, propter separationē animæ eius à carne, &  
magna dispositione ad dolendū propter optimā complexiōnē. (Nam

corpus eius optimē fuit complexiōnatum, ut pote sancti Spiritus ope-

ratione miraculosē formatum) ideo sicut illa, quæ per Christum facta

sunt, miracula potiora sunt, (vt dicit Chrysostomus de vino, in quod

aquam.

aquam Christus conuertit in nuptijs) sic etiam eius corpus: & ideo maximè viguit in eo sensus tactus, ex cuijs perceptione sequitur dolor. In dolore tamen compassionis, amplior erat ratio dolendi, propter in honorationem Dei, & nostram à Deo separationem. Erat etiam maior dispositio ad condolendum propter dilectionis immensitatem. Nam quanto maiori dilectio, tanto maiores sunt plague compassionis. Hinc Christi compassio multè plus excessit aliorum compassiones, q̄ passio passiones, sicut in eo fuit maior excellentia dilectionis, quam passionis, respectu aliorum, licet utrobique mulum excederet. Terius denique dolor Christi fuit in portione partis intellectuæ tam inferiori, q̄ superiori, qui dicitur dolor compassionis. Qui dolor (vt dicunt est) ex ratione redundauit in sensualitatem. Et in genere suo fuit dolor maximus, maiorq; prædictis ceteris doloribus. Pro quo notandum, quod secundum Bonaventuram super Sententiarum, Christi passio non tantum peruenit ad inferiorem rationem, sed etiam extendit se ad superiorem portionem; quia sicut anima nostra ex coniunctione sui ad corpus infectum tota corruptitur, & inficitur secundum omnem sui vim, & omnem partem tam superiorem, quam inferiorem: sic anima Christi ex coniunctione sui ad corpus patiens, & afflictum, tota affligebat & patiebatur, vt sic tota peccatrix anima curaretur. Hinc in Christo fuit dolor & passio, etiam secundum supremam partem rationis, quamvis & in ea fuit gaudium fruitionis. Et hoc teneatur tanquam verum, quamvis difficile sit ad intelligendum, qualiter in anima Christi secundum eandem potentiam, & eundem statum potentia fuit dolor, & gaudium. Nec dolor superuenies discontinuavit gaudium, nec cōtra; sed simul fuerunt, nec (quod maius est) dolor intensissimus fecerat gaudium minus esse perfectum: & hoc ideo, quia Christus viator erat & comprehensor, ita q; viatoris cognitio nō impediebat cognitionem cōprehensoris, nec affectio affectionem: quod erat in Christo singulare officiu[m] mediatoris, quo debebat experiri diuina & humana. Unde sicut simul & semel perfecte cōueriti poterat ad Deum & ad nos, ita quod via illarū conuersionum alterā non impediabat, vel retardabat, sic secundum eandem partē animæ simul & semel gaudere potuit in Deo, & compati corpori suo, sic quod nec dolor à gaudio, nec gaudium à dolore patetetur aliquam diminutionem, vel remissionē. Sicut enim in penitente videmus, q; simul dolor, & de dolore gaudet; sic anima Christi secundum naturā com-

L 2 patie-

III.  
Dolor in  
parte intel-  
lectuæ.

patiebatur corpori patienti, quæ tamen de illa passione lœtabatur. Et hoc maximè verum est de gaudio fruitionis. Quamvis enim omnes animæ potentia ipsius Christi patiebatur ex parte sui subiecti, quia potentiae radicantur in essentia animæ, ad quam perueniebat passio corpore passo: tamen ratio superior irreo non patiebatur ex parte sui obiecti, scilicet Dei, qui non erat anima Christi causa doloris, sed delectationis & gaudii, ita quod tota anima Christi secundum essentiam fruebatur, in quantum erat subiectum superioris partis animæ, cuius est frui, diuinitate, ut sicut passio ratione essentiæ attribuitur superiori parti animæ ita econuerio, fruitio ratione superioris parti animæ attribuatur essentiæ. Veruntamen anima Christi nō fruebatur tota secundum omnes eius potentias, nec quidem directe, quia fruitio non potest esse actus cuiuslibet partis animæ, nec per redundantiam, quia cum Christus erat viator, non fiebat redundantia gloria à superiori parte in inferiorē, nec ab anima in corpus, sicut econtra, nec superior pars animæ per inferiorē partem impediebatur circa illud, quod est sibi proprium, ita quod Christo paciente, superior pars animæ perfecit fruebatur.

*Vt magnus fuerit dolor Christi, propter magnitudinem & multitudinem nostrorum peccatorum: quia quodlibet mortale sibi fecit in corde quasi quinque vulnera. Cap. XXVII.*

Dolor maximus in anima Christi.

**I**xi: Ascendam in palmam, & apprehendam fructus eius. Quia Christus omnes passiones & dolores assumpsit voluntariè propter finem humanæ liberationis à peccato, ideo tantam quantitatem dolorum assumpsit, quæ magnitudini fructus exinde sequeris esset proportionata. Nam quia non solum potestate, sed etiam iustitia genus humanū à peccatis liberare voluit, ideo non solum attedit, quantam virtutem eius dolor haberet ex adiuncta diuinitate, sed etiam quātus dolor sufficeret secundum humanam naturam ad tantam satisfaciōnē. Veruntamen quamvis maximam assumpsit tristitiam, non tamen excedenter rationis regulam, licet eius dolor, & passio totam occuparet animam ratione suæ essentiæ, eo quod tota animæ essentia corpori coniungitur, ita quod est tota in toto, & tota in qualibet eius parte: & ideo corpore paciente, & disposito ad separationem ab anima, patiebatur anima tota. Et quia unio naturæ diuinæ & humanæ facta est in persona &